

# Arolygiadau diogelwch bwyd a chamau gorfodi

Sut i baratoi eich busnes ar gyfer arolygiadau diogelwch bwyd ac i osgoi camau gorfodi

Mae awdurdodau lleol yn gyfrifol am orfodi cyfreithiau hylendid bwyd a gallant arolygu eich busnes ar unrhyw adeg yn ystod y broses o gynhyrchu bwyd a'i ddsbarthu.

## Arolygiadau

Bydd swyddogion awdurdodedig o'ch cyngor lleol yn [ymweld â'ch safle](#) i wirio a yw'ch busnes yn cydymffurfio â chyfraith bwyd ac yn cynhyrchu bwyd sy'n ddiogel i'w fwyta. I wneud hyn, byddant yn edrych ar:

- eich eiddo
- sut rydych chi'n gweithio
- eich system rheoli diogelwch bwyd
- y math o fwyd rydych chi'n ei wneud a'i baratoi

Gall swyddogion awdurdodedig ymweld â'ch safle am sawl rheswm, gan gynnwys:

- arolygiadau hylendid bwyd a safonau bwyd
- samplu
- trin cynwion
- ymweliadau cynghori

Mae ganddynt yr hawl i arolygu eich safle ar unrhyw adeg resymol. Fel arfer, bydd swyddogion awdurdodedig yn cyrraedd heb apwyntiad.

Bydd pa mor aml y caiff eich busnes ei arolygu'n rheolaidd yn dibynnu ar y math o fusnes ydyw a'i gofnod blaenorol. Efallai y bydd rhai safleoedd yn cael eu harolygu bob chwe mis o leiaf, a bydd eraill yn cael eu harolygu'n llawer llai aml. Bydd swyddogion awdurdodedig yn cynnig cymorth a chynghor ar [ddiogelwch bwyd](#). Gallant gymryd camau gweithredu os ydynt o'r farn nad yw'ch safonau [hylendid bwyd](#) yn ddigon da. Mewn achosion difrifol, gallai camau gweithredu gynnwys cau'r safle neu eich erlyn.

## Camau gorfodi

Gall swyddogion awdurdodedig gymryd camau gorfodi i ddiogelu'r cyhoedd. Gall hyn gynnwys:

- atafaelu bwydydd y maent yn amau eu bod yn anaddas i'w bwyta gan bobl
- ysgrifennu llythyr atoch yn dilyn arolygiad neu'n amlinellu problemau â chydymffurfiaeth a gofyn i chi eu cywiro
- cyflwyno hysbysiad cyfreithiol ffurfiol sy'n nodi rhai pethau y mae'n rhaid i chi eu gwneud, neu'n eich gwahardd rhag defnyddio rhai prosesau, safleoedd neu offer
- argymhell erlyn mewn achosion difrifol

Bydd swyddogion awdurdodedig yn rhoi digon o amser i chi wneud newidiadau oni bai fod risg uniongyrchol i iechyd y cyhoedd.

## **Sut y gallwch chi apelio**

Gallwch chi [apelio yn erbyn penderfyniad a wnaed gan awdurdod lleol](#) os nad ydych chi'n cytuno â'r camau gweithredu y mae'r swyddog awdurdodedig wedi'u cymryd.

**Cofiwch:** Pan fyddwch chi'n dechrau busnes bwyd newydd neu'n cymryd yr awenau mewn busnes sy'n bodoli eisoes, mae'n rhaid i chi [gofrestru gyda'ch awdurdod lleol](#).